

A K T I V N O S T I
BOŠNJAČKOG NACIONALNOG VIJEĆA
U 2020. GODINI
I Z V J E Š T A J O R A D U

U Novom Pazaru
15.12.2020.godine

Izveštaj sačinila
administracija Vijeća

Sekretar Vijeća
Mirza Hajdinović

Bošnjačko nacionalno vijeće ima Izvršni odbor Vijeća, 5 odbora: Odbor za obrazovanje, Odbor za kulturu, Odbor za informisanje, Odbor službenu upotrebu jezika i pisma i Odbor za kontrolu i nadzor ostvarivanja prava Bošnjaka.

Bošnjačko nacionalno vijeće ima Predsjednički savjet Vijeća, Bošnjački prosvjetni savjet, Savjet visokih bošnjačkih zvaničnika i legitimno izabranih predstavnika – Senat, Savjet za odnose sa vjerskim zajednicama, Savjet za nadzor organa rada Vijeća, Savjet za predstavke, prijedloge i žalbe, Savjet za rodnu ravnopravnost, Savjet za dijasporu.

Bošnjačko nacionalno vijeće radna tijela i timove koji kao stručna i savjetodavna tijela okupljaju timove stručnih saradnika koji svojim radom doprinose unaprijeđenju kvalitetnijeg rada i ostvarivanja svih prava koja su data domaćim i međunarodnim zakonodavstvom.

I

Bošnjačko nacionalno vijeće je u 2020. godini održalo 3 sjednice:

- Svečana sjednica (11.05.2020.)
- 7. redovna sjednica (07.09.2020.)
- 8. redovna sjednica (23.12.2020.)

II

Izvršni odbor Vijeća je u 2020. godini održao ukupno **16** sjednica i razmatrao brojne teme, zahtjeve i prijedloge i donio odgovarajuće zaključke, odluke i mišljenja u vezi sa istim, i to:

- donio odluke o davanju **6** pozitivnih mišljenja o kandidatima za izbor direktora osnovnih ili srednjih škola;
- dao **1** negativno mišljenje na izbor direktora osnovne škole;
- utvrdio **3** prijedloga za imenovanje članova Školskog odbora ispred lokalne samouprave u **2** škole i **1** predškolsku ustanovu;
- dao saglasnost na Plan upisa učenika u srednje škole na teritoriji opštine Tutin, za školsku 2020/2021;
- dao **4** saglasnosti za formiranje odjeljenja na bosanskom jeziku, za manje od 15 učenika u osnovnim školama u Sandžaku;
- uputio urgenciju Ministarstvu prosvete nauke i tehnološkog razvoja sa zahtjevom da ministarstvo odobri formiranje još jednog odjeljenja „prehrambeni tehničar“ na bosanskom jeziku u srednjoj „Ugostiteljsko-turističkoj“ školi u Novom Pazaru; **Ministarstvo prihvatilo urgenciju Izvršnog odbora i oformilo dodatno odjeljenje;**
- donio Odluku o izboru člana Savjeta za bezbjednost opštine Tutin;

- donio Odluku o izboru članova Savjeta za međunacionalne odnose opštine Tutin iz reda predstavnika Bošnjaka;
- dao je **15** saglasnosti na prijevod udžbenika koji se nalaze u procesu reforme obrazovanja za 3. i 7. razred osnovnog obrazovanja, kao i na novi udžbenik DIGITALNI SVIJET. (*Saglasnosti se izdaju na osnovu prethodno datih saglasnosti Tima urednika koji su detaljno pregledali prijevode udžbenika na bosanskom jeziku i unijete korekcije od strane Izdavačkih kuća. Usvojen zaključak da i pored uvedenog vanrednog stanja u zemlji, proces reforme obrazovanja se nastavlja te se u skladu sa tim se nastavlja u urbanim tempom kako ne bi došlo do kašnjenja u izradi udžbenika*); Prijevodi i izmjene ovih udžbenika su urađene u skladu sa jezičkom i pravopisnom normom standardnoga bosanskoga jezika;
- dao saglasnost na **4** autorska udžbenika za nastavu na bosanskom jeziku;
- dao saglasnost na prijevode školskih evidencija za obrazovno-odgojne ustanove u svim nivoima, prijevode je radilo Bošnjačko nacionalno vijeće;
- razmatrao **10** zahtjeva pravnih i fizičkih lica te po istim donio različite zaključke o podršci u organizaciji, finansiranju, sufinansiranju, kao i odbijanju zahtjeva koji nisu imali osnova za podršku Vijeća;
- donio brojne odluke u vezi sa radom odbora Vijeća i utvrdio programe obilježavanja manifestacije i događaja koji su organizovani u Glavnom uredu Vijeća;
- Izvršni odbor je donio Odluku o prihvatanju ponude Preduzeća za reviziju „Finodit“ DOO – ogranak Novi Pazar, o dodjeli Ugovora za reviziju Finansijskog izvještaja Bošnjačkog nacionalnog vijeća za 2020. godinu

Izvršni odbor je uzeo i direktno učešće u svim aktivnostima koje je Vijeće organizovalo kao i događajima, aktivnostima i manifestacijama na koje je Vijeće bilo pozvano od strane drugih organizacija na teritoriji Sandžaka, Srbije i u inostranstvu;

III

U 2020. godini Izvršni odbor Vijeća, na prijedlog stručnih odbora, tijela i stručnih saradnika u odborima Vijeća, donio je različite odluka u vezi sa radom odbora, tijela Vijeća od značajna za unaprjeđenje i rad u 4 oblasti u kojim vijeće ima ovlaštenja:

Odbor za obrazovanje:

- odluka o plaćanju urednika za udžbenike u nastavi na bosanskom jeziku;
- odluka o angažovanju i načinu isplate članova Tima za pripremu nastavnih jedinica za učenje na daljinu;

- odluka o isplati radnih grupa za izradu reformisanih nastavnih planova i programa za osnovne i srednje škole u nastavi na bosanskom jeziku;
- odluka o angažovanju i isplati lica za prevođenje i lekturu školske evidencije i obrazaca za osnovnu školu;
- odluka o odobravanju svih planiranih sredstava za snimanje časova nastave na daljinu;
- odluka o imenovanju dva predstavnika za realizaciju Obuke nastavnika za primjenu općih standarda postignuća za kraj I ciklusa osnovnog obrazovanja i vaspitanja za predmet Maternji jezik. Obuka je realizovana u Vijeću u skladu sa epidemiološkom situacijom u zemlji;
- odluka o angažovanju lektora za Priručnik za učitelje za opće standarde postignuća za bosanski jezik za kraj I ciklusa osnovnog obrazovanja i odgoja;
- odluka o usvajanju Programa obilježavanja 21.februara – Dana maternjeg jezika,
- odluka o odabiru publikacija za maternji jezik na Konkursu Ministarstva kulture kojim Vijeće preporučuje izdanja koja su od značaja za obrazovanje na bosanskom jeziku, na prijedlog Odbora za obrazovanje;
- odluka o raspisivanju Javnog poziva za nezavisne eksperte teoretičare iz oblasti bosanskog jezika, historije i kulture, kao i praktičare koji realizuju nastavu na bosanskom jeziku;
 - Na Javni poziv pristiglo je 6 prijava i formirana je Komisija od pet članova;
- usvojen Izvještaj Nezavisne stručne komisije za revidiranje planova i programa nastave i učenja na bosanskom jeziku (15.novembra 2020.);
- Odluka o imenovanju koordinatora za realizaciju odluke Vijeća o podnošenju izvještaja o realizaciji i kvalitetu nastave na bosanskom jeziku, potpredsjednik Vijeća Muhedin Fijuljanin;
- Odluka o usvajanju izvještaja o realizaciji i kvalitetu nastave na bosanskom jeziku;

Odbor za kulturu:

- dao Mišljenje Ministarstvu kulture i informisanja za projekte na Konkursu za sufinansiranje projekata proizvodnje medijskih sadržaja na jezicima nacionalnih manjina u 2020. godini prema prioritetima od značaja za Bošnjačku nacionalnu zajednicu u Republici Srbiji;
- dao Mišljenje sa utvrđenom listom prioriteta za projekte pristigle na Konkursu Ministarstva kulture za sufinansiranje iz oblasti savremenog stvaralaštva od značaja za Bošnjačku nacionalnu zajednicu u Republici Srbiji;

- odluka o usvajanju Programa obilježavanja Bajramskog prijema za Ramazanski bajram;
- odluka o usvajanju projekta Likovna kolonija „Sjenica 2020“;
- odluka o usvajanju Programa obilježavanja 28. septembra – Dana Bošnjaka;
- odluka o usvajanju Programa za obilježavanje 20. novembra – dana Sandžaka.

Odbor za informisanje:

- dao Mišljenje na projekte pristigle na Konkursu za sufinansiranje projekata u oblasti javnog informisanja Grada Novog Sada u 2020. godini prema prioritetima, za projekte od značaja za Bošnjake;
- Odbor je tokom 2020. godine podržao Strategiju kampanje za promociju bosanskog jezika i realizaciju projekta Bošnjačkog nacionalnog vijeća i Radio televizije Novi Pazar „NA BOSANSKOM JE LJEPŠE“. Strategija i projekat nisu realizovani zbog pandemije koronavirusa.

Odbor za službenu upotrebu jezika i pisma:

- Odluka o isticanju saobraćajno turističke signalizacije u sandžačkim opštinama, reagovanje kod relevantnih institucija za povredu prava Bošnjaka na službenu upotrebu bosanskog jezika i pisma;
- Dopis Ministarstvu trgovine, turizma i telekomunikacije reagovanje na postavljene table u sandžačkim opštinama;
- Odluka o angažovanju lektora u opštinskim upravama u sandžačkim opštinama;
- Dopis Opštinskom vijeću opštine Prijepolje, da se kamena ploča (sa natpisom i prijevodom) ugradi u Fatihov most na rijeci Lim, u naselju Šarampov.

IV

U Bošnjačkom nacionalnom vijeću su održane sljedeće sjednice odbora Vijeća::

- Održano je 4 sjednica Odbora za obrazovanje
- Održano je 6 sjednica Odbora za kulturu
- Održano je 2 sjednice Odbora za informisanje
- Održano je 3 sjednice Odbora za službenu upotrebu jezika i pisma
- Održano je 1 sjednice Odbora za kontrolu i nadzor ostvarivanja prava Bošnjaka

V

Bošnjačko nacionalno vijeće je tokom 2020. godine izdalo više od **140** saopćenja i informacija za javnost, najava za medije. Na internetu sajtu Vijeća objavljeno je više od 160 tekstova o aktivnostima i događajima važnih za rad BNV-a, te redovno svoje aktivnosti predstavljalo i putem društvenih mreža.

Bošnjačko nacionalno vijeće je organizovalo četiri konferencije za novinare i dva sastanka sa predstavnicima medija i Nevladinih organizacija.

VI

U Oblasti zaštite i unapređenja kulture Bošnjaka Vijeće je organizovalo proslave i obilježavanja značajnih datuma bitnih za Bošnjake kao i veliki broj manifestacija:

Nacionalni dani i tradicionalne manifestacije

- **21. FEBRUAR - DAN ŠKOLSTVA NA BOSANSKOM JEZIKU U SANDŽAKU**
 - Konferencija: Maternji jezik pravo i obaveza
 - Promocija knjige "Godine borbe za slobodu, čast i dostojanstvo" autora mr.sci. Ramiza Salkića
 - Predavanje- Jezička kultura u nastavi bosanskog jezika
 - Posjeta PU "15. juli" iz Sjenice dječijem vrtiću u Brodarevu. Zajednička priredba, recitacije u povodu obilježavanja Dana maternjeg jezika.
- **11. MAJA – DANA BOŠNJAČKE NACIONALNE ZASTAVE**
 - Svečana sjednica Vijeća
 - Svečano podizanje zastave, BNV
 - Kulturno umjetnički program na platou BNV
- **28. SEPTEMBAR DAN BOŠNJAKA**
 - Svečani prijem
 - Izložba slika sa likovne kolonije „Sjenica 2020“
 - Kulturno umjetnički program
- **20. NOVEMBAR – DAN SANDŽAKA**
 - Ugledni čas iz historije za učenike osmog razreda (online, 20.11.2020)
 - 14. Sandžački književni susreti SAKS 2019 (online, 20.11.2020.)
 - Tribina "ZAVNOS - historijske okolnosti, značaj i perspektive" (online, 20.11.2020)

Bošnjaka Vijeće je organizovalo i realizovalo značajne događaje i projekte:

- **3. SAZIV LIKOVNE KOLONIJE SJENICA 2020 (Sjenica 20.-27. avgusta 2020.)**
 - - 10 umjetnika iz Sandžaka, Kosova i Bosne i Hercegovine

VII

NAJZNAČAJNIJE AKTIVNOSTI VIJEĆA:

Bošnjačko nacionalno vijeće su tokom 2020. godine posjetili predstavnici domaćih i međunarodnih institucija, ambasada i organizacija a također predstavnici Vijeća su posjetili institucije, međunarodne i domaće, te održali sastanke sa ambasadama i organizacijama.

POSJETE AMBASADORA:

- Prijem - Ambasada Islamske Republike Irana povodom obilježavanja 41. godine od pobjede Islamske revolucije u Iranu (BG:)
- Sastanak sa Michaelom Turman, šef Misije OEBS-a (BNV, 12.03.2020.)
- Sastanak sa Zuzana Pavlikova-OSCE (online, 19.08.2020.)
- Posjeta ambasadora Francuske, Jean Louis Falconi (7.10.2020.)

POSJETE INSTITUCIJAMA U ZEMLJI I INOSTRANSTVU

- Sastanak sa koordinatorkom TIKa-e Caglom Gultekin Tosbat (Beograd, 23.01.2020.)
- Posjeta mr.sci. Ramiza Salkića potpredsjednika BH entiteta RS (BNV, 20.02.2020)
- Prijem za Organizaciju žena Bosne i Hercegovine (BNV, 06.06.2020.)
- Sastanak sa gradonačelnikom Grada Sarajeva Abdulahom Skakom (Sarajevo, 27.07.2020.)
- Sastanak sa Predsjedavajućim predsjedništva BiH NJE. Šefik Džaferović (Sarajevo, 27.07.2020.)
- Druženje Jedinstva i solidarnosti u Bursi (Bosna Sandžak – Iz Burse) (8. februar 2020, Republika Turska, Bursa)
- Sastanak sa ministricom vanjskih poslova BiH - Biserom Turković (Sarajevo, 27.07.2020.)
- Prijem predsjednika Albanskog nacionalnog vijeća i poslanika manjinske poslaničke grupe "Ujedinjena dolina - SDA Sandžaka" (BNV, 05.11.2020)
- Sastanak predsjednice BNV i šefice kancelarije OEBS-a u Novom Pazaru (Novi Pazar, OSCE, 19.11.2020.)
- Sastanak sa Predsjedavajućim predsjedništva BiH NJE. Šefik Džaferović (Sarajevo, 02.12.2020.)
- Sastanak sa predsjednikom BZK Preporod (Sarajevo, 02.12.2020.)

POSJETE I SASTANCI SA PREDSTAVNICIMA INSTITUCIJA I ORGANIZACIJA

- Sastanak predsjednice Vijeća sa predstavnicima organizacije "Millî Görüş" za Balkan (BNV, 12.08.2020)
- Sastanak sa predstavnicima FORUM 10 (BNV, 10.09.2020)
- Sastanak sa Ahmedinom Lekpekom - Clever Centar (BNV, 03.09.2020.)
- Posjeta učenika Medrese "Sinan beg" Iz Novog Pazara (BNV, 01.10.2020.)

Bošnjačko nacionalno vijeće je u 2020. godini organizovalo skupove, seminare, okrugle stolove, tribine, promocije, prezentacije, izložbe slika, studijska putovanja, posjete školama i institucijama i druge događaje.

TRIBINE/KONFERENCIJE:

- Konferencija: Maternji jezik pravo i obaveza (BNV, 21.02.2020)
- Predavanje- Jezička kultura u nastavi bosanskog jezika (BNV, 22.02.2020)
- Obilježavanje 557. godišnjice Sultan Mehmed Fatihove Ahdname i 76. godišnjice Deklaracije ZAVNOBIH o pravima građana Bosne i Hercegovine (Sarajevo, 02.07.2020)
- Javna tribina ZA KULINA BANA I DOBRIJEH DANA, 831. GODIŠNJICA POVELJE KULINA BANA (online, 28.08.2020.)
- Razgovor o stanju Bošnjačke nacije. (online, 28.09.2020)
- „Bošnjaci na tromeđi u borbi za ravnopravnost i progres“ Goražde“ – Kongres Bošnjaka svijeta (Goražde, 28.11.2020.)
-

PROMOCIJE:

- Promocija rječnika Abdulaha Mušovića (BNV, 07.02.2020)
- Promocija knjige "Godine borbe za slobodu, čast i dostojanstvo", autora mr.sci. Ramiza Salkića (BNV, 20.02.2020)
- Promocija knjige Pljevaljsko muftijstvo 1930 -1936 Nadira Dacića (BNV, 06.03.2020)

IZLOŽBE

- Izložba slika „Sjenica 2020“ u Novom Pazaru (BNV, 28.09.2020.)
- Izložba slika "Sjenica 2020" u Tutinu (BNV, 23. oktobar 2020.)
- Izložba "Mevlud u tradiciji i kulturi Bošnjaka" (BNV, 28. oktobar 2020.)

AKADEMIJE SJEĆANJA

- Akademija sjećanja na prof.dr. Hasima Mekića (BNV, 07.09.2020)
- Javna ustanova Muzej "ALIJA IZETBEGOVIĆ", akademija povodom 17. godišnjice smrti prvog predsjednika nezavisne Republike Bosne i Hercegovine, Alije Izetbegovića (Sarajevo, 19.10.2020)
- Akademija sjećanja na prof. Vasviju Gusinac (BNV, 02.11.2020.)

POTPISIVANJE SPORAZUMA

- Posjeta predstavnika Fondacije „Alija Izetbegović“ i potpisivanje sporazuma o međusobnoj saradnji (BNV, 09.10.2020.)
- Posjeta i potpisivanje sporazuma sa Muzejom "Alija Izetbegović" (Sarajevo, 02.12.2020.)

Bošnjačko nacionalno vijeće je redovno prisustvovalo sjednicama Koordinacije nacionalnih savjeta nacionalnih manjina i Ureda za koordinaciju Bošnjačkih vijeća te u skladu sa situacijom u vezi pandemije održavalo redovne kontakte i onlajn sastanke.

SJEDNICE KOORDINACIJE

- Sjednica Koordinacije nacionalnih savjeta nacionalnih manjina (online, 30.10.2020)
- Sjednica Koordinacije nacionalnih savjeta nacionalnih manjina (online, 23.11.2020.)
- Sastanak sa ministarkom u Ministarstvu za ljudska i manjinska prava i društveni dijalog (Beograd, 23.11.2020.)

SJEDNICE UREDA KOORDINACIJE BOŠNJAČKIH VIJEĆA

- Sjednica Koordinacije bošnjačkih vijeća (online, 16.11.2020)

VIII

REDOVNE AKTIVNOSTI VIJEĆA

Bošnjačko nacionalno vijeće je u cilju ostvarivanja prava na osnovu ovlašćenja koja su mu data zakonima realizovalo različite projekte iz oblasti obrazovanja, kulture, informisanja i službene upotrebe jezika i pisma.

Bošnjačko nacionalno vijeće je preko svojih organa, odbora, savjeta i radnih tijela analiziralo, proučilo i izradilo i na adekvatan način odgovorilo izradom odgovarajućih projekta, zapise i dokumenta u cilju uspješnije realizacije svih ovlašćenja koja su mu povjerena.

Bošnjačko nacionalno vijeće je radi unaprjeđenja rada adekvatno radilo na razvijanja saradnje sa drugim nacionalnim savjetima, međunarodnim i domaćim organizacijama, udruženjima i društvima i brojnim drugim domaćim i međunarodnim organizacijama te u tom cilju organizovalo, uzele učešće u organizaciji i prisustvovalo na brojnim sastancima, skupovima, okruglim stolovima, tribinama i svečanostima.

Bošnjačko nacionalno vijeće je u cilju unaprjeđenja ostvarivanja prava iz oblasti obrazovanja i unaprjeđenja realizacije nastave na Bosanskom jeziku izvršilo ispitivanje i analizu upisa učenika u svim sandžačkim predškolskim ustanovama, osnovnim i srednjim školama. Predstavnici Vijeća zaduženi za obrazovanje sa tim ciljem održavali su i održavaju redovne sastanke sa svim direktorima obrazovnih ustanova u Vijeću, te je organizovalo redovne posjete školama gdje je učestvovalo i na sastancima sa roditeljima.

Bošnjačko nacionalno vijeće pored obaveza koje ima po zakonu u vezi sa obrazovanjem (izrada Programa nastave i učenja, izrada udžbenika, davanje saglasnosti i mišljenja na udžbenike i rukopise udžbenika prevedenih na bosanski jezik, prevođenje školskih obrazaca i evidencija i dr.) konstantno pruža podršku

obrazovnim ustanovama kroz organizovanje redovnih seminara, tribina, okruglih stolova te akreditovanih i drugih programa stručnog usavršavanja.

Pored toga Vijeće sandžačkim obrazovnim ustanovama pruža podršku unapređenju kako nastave na bosanskom jeziku tako i uopšte realizaciju nastave kroz donacije i pomoći koje iz svojih sredstava donira školama u vidu obezbjeđivanja nastavnih sredstava, školske opreme i drugih sredstava.

Jedan od najznačajnijih projekata u oblasti obrazovanje jeste projekat obezbjeđivanja udžbenika učenicima u nastavi na bosanskom jeziku, koje vijeće već tradicionalno, realizuje kako iz svojih sredstava tako uz pomoć međunarodnih organizacija, gdje je kako u 2020. godini tako i u nazad nekoliko godina obezbijeđeno na nekoliko desetina hiljada besplatnih udžbenika za učenike preškolskog uzrasta, osnovnih i srednjih škola.

Bošnjačko nacionalno vijeće će za djecu koja školske 2020/21 godine upisuju prvi razred u nastavi na bosanskom jeziku obezbijediti besplatan komplet udžbenika.

Udžbenici za prvake su donacija Republike Turske koji su odobreni na inicijativu predsjednika Republike Turske Redžepa Tajipa Erdoana, a uz koordinaciju Vijeća za ekonomske odnose sa inostranstvom Republike Turske (DEIK). Realizaciju ove donacije realizovana je u saradnji sa kancelarijom Turske razvojne agencije TIKa u Beogradu.

IX

OSTALE ZNAČAJNE GODIŠNJE AKTIVNOSTI I DOGAĐAJI

Ured za koordinaciju bošnjačkih vijeća uputio je Inicijativu za ukidanje viznog režima između BiH i Kosova. Inicijativa je upućena na adrese Predsjedništva BiH, predsjedavajućeg Vijeća ministara BiH, te predsjednika i premijera Kosova.

Zbog situacije u vezi sa pandemijom COVID-19 u namjeri da se obezbijede lakši uslovi života za građane Sandžaka predsjednica Bošnjačkog nacionalnog vijeća dr. Jasmina Curić uputila je pismo predsjedniku Vlade Republike Crne Gore, gospodinu Dušku Markoviću kojim je zatražila da se dozvole prelazak preko granice između Srbije i Crne Gore građanima koji gravitiraju u tim područjima, zbog njihovih svakodnevnih i poslovnih aktivnosti.

Bošnjačko nacionalno vijeće se aktivno uključilo u akciju prikupljanja sredstava za nastavak školovanja sandžačkom pijanisti, izuzetnom talentu Ademu Mehmedoviću za usavršavanje na čuvenom Berkli univerzitetu u Bostonu.

Bošnjačko nacionalno vijeće se godinama unazad aktivno zalagalo, iniciralo, predlagalo i zahtjevalo otvaranje generalnog konzulata Bosne i Hercegovine u Novom Pazaru te i tokom 2020. godine bilo aktivno uključeno u tom procesu koji je rezultirao davanjem saglasnosti na otvaranje od strane Vlade Republike Srbije.

X

POSEBNE AKTIVNOSTI VIJEĆA

***DODATAK IZVJEŠTAJU O RADU**

za vrijeme trajanja vanrednog stanja u Republici Srbiji

(16.3.2020. – 6.5.2020. godine)

Izvršni odbor Bošnjačkog nacionalnog vijeća je na osnovu Odluke o proglašenju vanrednog stanja (Sl. Glasnik RS, br. 29/2020), Uredbe o organizovanju rada poslodavaca za vreme vanrednog stanja („Sl. Glasnik RS“, br. 31/2020 od 16.3.2020. godine), preporuke Vlade Republike Srbije u cilju suzbijanja COVID-19 virusa a u skladu sa članom 7. Zakona o nacionalnim savjetima nacionalnih manjina ("Sl. glasnik RS", br. 72/2009, 20/2014 - odluka US, 55/2014 i 47/2018) i člana 40. Statuta Bošnjačkog nacionalnog vijeća (Broj: 53-09/2018 od 08. decembra 2018. godine) na 22. sjednici održanoj 17. marta 2020. godine, donijelo ODLUKU O MJERAMA ZA VRIJEME TRAJANJA VANREDNOG STANJA RB: 238-09/2020.

U skladu sa Odlukom o mjerama za vrijeme trajanja vanrednog stanja Vijeće je izdalo obavještenje za sve građana o načinu uređenja radnog vremena i rada u Bošnjačkom nacionalnom vijeću za vrijeme trajanja vanrednog stanja.

U skladu sa preporukama Vlade Republike Srbije, Bošnjačko nacionalno vijeće za vrijeme trajanja vanrednog stanja je propisalo da se sjednice Vijeća, sjednice i sastanci organa i tijela Vijeća ne održavaju, osim u slučaju potrebe i tada će se održavati putem sredstava elektronske komunikacije.

Vijeće je ograničilo sve aktivnosti u prostorijama Vijeća koje okupljaju više od 5 lica (promocije, seminari, tribine, sastanci i sl.) te ulazak u prostorije Vijeća svim licima bez poziva i odobrenja nadležnih zaposlenih u Vijeću.

U skladu sa preporukama za rad u vrijeme vanrednog stanja, Vijeće je utvrdilo da u prostorijama Glavnog ureda boravi najviše dvoje lica, da se rad organizuje od kuće za sve vrste poslova koje to mogu, pored toga utvrđen je raspored i način rada radno angažovanih lica na taj način da po dva lica stručne službe, jedan portir i jedan vozač budu angažovani istovremeno, a da u istoj prostoriji ne boravi više od jednog lica. Ostala lica, stručni saradnici većinu svog posla obavljaju od kuće, obzirom da priroda posla je takva da se većina poslova mogu raditi kod kuće, u skladu sa preporukama.

Važno je napomenuti da od dana proglašenja vanrednog stanja, odnosno od dana utvrđivanja mjera i načina rada Bošnjačkog nacionalnog vijeća u vrijeme trajanja

vanrednog stanja, rad i aktivnosti Vijeća ni na koji način nisu prekinute niti su umanjene osim do neophodne mjere.

Naime, od 17. marta 2020. godine Vijeće je nastavilo sa ustaljenim aktivnostima i obavezama iz svih oblasti obrazovanje, kultura, informisanje i službena upotreba jezika i pisma kao i redovne aktivnosti Vijeća obavljane su sa ustaljenim i utvrđenim planom.

Vijeće je utvrdilo plan rada i dežurstava te organizovalo rad na način da je dio radnik svoj posao obavljalo u Glavnom uredu Vijeća a dio radnika od kuće, te su se naizmenično mijenjali. Aktivnosti Vijeća zbog toga ni na koji način nisu bile umanjene, čak šta više radne aktivnosti su bile pojačane zbog dodatnih aktivnosti koje je vijeće poduzelo u skladu potrebama kao i sa aktivnim preporukama i uredbama o radu tokom pandemije.

Rad od kuće obuhvatao je dostupnost i rad od jutarnjih do kasnih večernjih časova, kao i svakodnevnu komunikaciju i konsultacije sa sekretarom BNV i šefom Ureda, kako bi za sve pristigle obaveze i neophodne radnje informisali nadležne u Vijeću i dobile odgovarajuće instrukcije za postupanje u konkretnim slučajevima.

***DODATAK IZVJEŠTAJU O RADU**

za vrijeme trajanja vanrednog stanja u Republici Srbiji

IZVJEŠTAJ - UČENJE NA DALJINU NA BOSANSKOM JEZIKU (za period 16.3.2020. – 6.5.2020. godine za školsku 2019/2020)

Posebna aktivnost Vijeća koja je, pored redovnih aktivnosti, proistekla zbog proglašenja vanrednog stanja i stupanja na snagu mjera i preporuka u cilju suzbijanja COVID-19 virusa jeste priprema nastavnih jedinica za nastavu na Bosanskom jeziku za Učenje na daljinu.

Obaveza Bošnjačkog nacionalnog vijeća, kao i svih nacionalnih savjeta nacionalnih manjina u Republici Srbiji, kod manjina kod kojih se nastava odvija na maternjem jeziku, jeste da organizuje i pripremi izradu nastavnih jedinica za Bosanski jezik.

Bošnjačko nacionalno vijeće je u skladu sa preporukama Ministarstva prosvjete, nauke i tehnološkog razvoja od 13. marta 2020. godine za školsku 2019/20. godinu već od 17. marta 2020. godine počelo realizaciju obrazovno-odgojnog rada učenja na daljinu i izradu nastavnih jedinica za Bosanski jezik za sve predmete osnovne škole od prvog do osmog razreda i za srednju školu od prvog do trećeg razreda. Organizacija učenja na daljinu i sama realizacija trajale su do 29. maja 2020. godine. Za potrebe nastave na daljinu pripremljeno je 425 nastavnih jedinica koje su dostupne na sajtu i YouTube kanalu Bošnjačkog nacionalnog vijeća.

U skladu sa preporukama Ministarstva prosvjete Vijeće je svoj dio obaveza obavljalo potpuno, iako je Ministarstvo prosvjete, potpisalo sporazum sa nevladinom organizacijom „Matica Bošnjačka“ i lokalnom TV stanicom „Sandzak TV“. Bošnjaci su jedina nacionalna zajednica u Republici Srbiji gdje je ministarstvo, ovlaštenja iz obrazovanja koja su isključivo data Vijeću, predalo nevladinoj organizaciji na realizaciju i time prouzrokovalo paralelizam u izradi nastavnih jedinica za Nastavu na daljinu. Međutim Vijeće je bez obzira na tu situaciju nastavilo sa izradom nastavnih jedinica za Nastavu na daljinu te je proces, bez obzira na prouzrokovane smetenje nastavilo sa potpunom realizacijom.

Pored obaveznih priprema nastavnih jedinica Vijeće je za proces učenje na daljinu uključilo i program za predškolski pripremni program, iako nije obavezan, te su ponedjeljkom i petkom za djecu koja su u nastavi na bosanskom se pripremane nastavne jedinice i prigodne aktivnosti.

Ova aktivnost podrazumijevala je veoma složen i obiman svakodnevni rad na izradi nastavnih jedinica sa učiteljima, nastavnicima i profesorima, postavljanje nastavnih jedinica na YouTube kanal Vijeća, Facebook profil, Instagram, kao i obavještanje škola, nastavnika kao i roditelja o nastavnim jedinicama koje su urađene. Pored toga podrazumijeva izradu izvještaja za Ministarstvo prosvjete, prevođenje ogromne dokumentacije i materijala u cilju realizacije iste.

Za Vijeće aktivnosti za realizaciju nastave na daljinu obavljali su stručni saradnici u obrazovanju i informisanju, koji su od početka bili uključeni u ovaj projekat koji je podrazumijevao i posao koordinacije tima koji je činilo više od 15 angažovanih lica u timu za realizaciju nastave na daljinu.

Taj posao je podrazumijevao i uređivanje i pregled prezentacija, ubacivanje zvučnih snimaka i pravljenja video snimaka, svakodnevnu komunikaciju sa Ministarstvom prosvjete, nauke i tehnološkog razvoja, raspodjela poslova izrade, prevođenja, dostavljanje nastavnih jedinica i drugih traženih podataka Ministarstvu, zatim komunikacija sa državnom sekretarkom i predsjednicom Odbora za obrazovanje; Izvršni odbor Vijeća je nastavnike koji su radili na ovom projektu, u vidu podstreka za dalji rad a imajući u vidu obimnost i složenost posla, nagradio za ulaganje izuzetan angažmana tokom mjeseca marta jer je obaveza Ministarstva prosvjete bila da nastavnike za ovaj posao isplati.

Vijeće je Tim za izradu nastavnih jedinica tokom vremena dopunjavalo i mijenjalo tokom trajanja ovog projekta, jer su pojedini članovi tima zbog drugih obaveza morali da napuste tim, ali su se timu pridružili i novi članovi.

***DODATAK IZVJEŠTAJU O RADU
za vrijeme trajanja vanrednog stanja u Republici Srbiji
IZVJEŠTAJ - UČENJE NA DALJINU NA BOSANSKOM JEZIKU
(za školsku godinu 2020/21)**

U skladu sa činjenicom da i tokom školske 2020/21. godine postoji potreba za obezbjeđivanjem nastavnih sadržaja za nastavu na daljinu Bošnjačko nacionalno vijeće formiralo je ponovo tim za izradu nastavnih jedinica. Kako bi se proces odvijao nesmetano, ali i sa što većom pažnjom, odlučeno je da tim *Učenje na daljinu* treba

podijeliti prije svega na cikluse: tim za prvi ciklus osnovnog obrazovanja, tim za drugi ciklus obrazovanja i tim za srednje obrazovanje. Takvi timovi su dobili po jednog koordinatora koji je zadužen za konsultacije, zatim pregledavanje, korigovanje i odobravanje pripremljenih nastavnih jedinica. Trenutno tim broji 34 nastavnika i 3 koordinatora. Sve nastavne jedinice emituju se na Radio televiziji Novi Pazar.

Do početka mjeseca decembra posredstvom Radio televizije Novi Pazar emitovano je 272 nastavna časa.

Radom Tima za pripremu nastavnih jedinica rukovode potpredsjednik Vijeća zadužen za obrazovanje na bosanskom jeziku i predsjednik Odbora za obrazovanje na bosanskom jeziku.

***DODATAK IZVJEŠTAJU O RADU**
za vrijeme trajanja vanrednog stanja u Republici Srbiji
OBEZBJEĐIVANJE DONACIJA

Bošnjačko nacionalno vijeće je 31.03.2020.godine obezbijedilo povratak studenata koji su studirali u Republici Turskoj. Vlada R. Turske je na inicijativu BNV organizovala evakuacioni i humanitarni let sa turskom medicinskom pomoći iz Istanbula i studentima iz Sandžaka koji su na studijama u Istanbulu, Ankari, Izmiru i drugim univerzitetskim centrima. Vijeće je intenzivno radilo, na vraćanju ovih studenata, sa nadležnim državnim organima na obezbjeđivanju prijevoza do Novog Pazara iz Beograda. Takođe, svim studentima koji nisu iz Novog Pazara Vijeće je obezbijedilo smještaj kako bi kada policijski čas nije na snazi, roditelji mogli nesmetano da dođu po svoju djecu.

Bošnjačko nacionalno vijeće je u skladu sa situacijom koja je zadesila sandžačke Bošnjake u borbi sa Korona virusom:

- pozvalo sve lokalne samouprave u Sandžaku da što hitnije organizuju adekvatne privremene bolničke smještaje za lica oboljela od virusa Covid 19; **14.04.2020.godine je prihvaćen prijedlog Vijeća i u Novom Pazaru je organizovana privremena bolnica;**
- **04. 05. 2020.godine Fondacija „Alija Izetbegović“ iz Sarajeva donirala je medicinsku pomoć zdravstvenim ustanovama u Sandžaku, koja je uručena posredstvom Bošnjačkog nacionalnog vijeća;**
- Predsjednica Vijeća je odmah nakon proglašenja vanrednog stanja u zemlji i nastale alarmantne situacije u novopazarskoj bolnici uspostavila kontakt i sa zvaničnicima BiH, te je grupa ljekara na poziv Vijeća upućena na ispomoć novopazarskom zdravstvenom centru; na kraju svog angažmana Vijeće je upriličilo prijem za ljekare koji su boravili u Novom Pazaru, zajedno sa našim ljekarima;
- zatražilo pomoć od predsjednika Republike Turske Redžepa Taipa Erdogana imajući u vidu alarmantnu situaciju u kojoj su se našle sandžačke zdravstvene ustanove; **29.06.2020.godine iz kabineta predsjednika Erdoana su**

obavijestili predsjednicu Vijeća dr. Jasminu Curić da je predsjednik Erdoan već dao nalog da se Sandžaku hitno uputi sva potrebna medicinska pomoć;

- **04.07.2020.godine** je po nalogu predsjednika R. Turske a na zahtjev Bošnjačkog nacionalnog vijeća u Sandžak poslana pomoć koja se sastojala od zaštitnih maski, respiratora turske proizvodnje, nosila, vizira i naočara koje je osiguralo Ministarstvo zdravlja R. Turske.
- 7.7.2020. godine predsjednica Vijeća uputila je pismo predsjednici Vlade RS Ani Brnabić i predsjedniku R. Srbije Aleksandru Vučiću u kojem je zatraženo da se što prije donesu posebne mjere za prevazilaženje krize i oporavak privrede u Sandžaku te putem programa ekonomskih mjera, kao što su poreske olakšice, subvencije i slično, što prije omogući da Sandžak ne zapadne u još dublju socio-ekonomsku krizu;
- 27.07.2020.godine delegacija na čelu sa predsjednicom Vijeća je posjetila sarajevsku opštinu Centar i zaključili da imaju istu vrstu problema sa Corona virusom ali da je značajno da se pomogne narodu u Sandžaku, te je izvršna i zakonodavna vlast opštine Centar saglasno izdvojila 30.000 KM u vidu materijalne pomoći;
- U više navrata Vijeće se obraćalo brojnim institucijama i pojedincima kako u zemlji tako i u inostranstvu sa zahtjevom za pomoć narodu Sandžaka u ovoj teškoj situaciji – po tom zahtjevu, jedna od pristiglih pomoći je i od udruženja Bosna-Sandžak iz Republike Turske u vrijednosti preko 150.000,00 eura koja se sastojala od medicinske opreme;
- Tokom ovog perioda brojne su donacije koje su pristigle iz inostranstva od dijaspore narodu Sandžaka;

Bošnjačko nacionalno vijeće je pristiglu pomoć iz Republike Turske, zaštitne medicinske opreme (zaštitne maske i dezinfekciona sredstva) podijelilo odgojnim ustanovama u Sandžaku;

Bošnjačko nacionalno vijeće je medicinsku opremu koja se sastojala od velikog broja zaštitnih maski, skafandera, vizira i dezinfekcionih sredstava uručilo i Opštoj bolnici u Novom Pazaru, Sjenici, Tutinu i Prijepolju kao i Specijalnoj bolnici u Novom Pazaru.

XI

AKTIVNOSTI VIJEĆA U OBRAZOVANJU

Bošnjačko nacionalno vijeće u Republici Srbiji poseban akcenat daje obrazovanju. Najvažnije aktivnosti u vezi sa obrazovanjem su sljedeće:

UDŽBENICI – Za nastavu na bosanskom jeziku u pripremnom predškolskom programu, osnovnim i srednjim školama u upotrebi je 201 udžbenik od kojih su 53 autorska udžbenika i 148 prevedena udžbenika.

Vijeće je u 2020. godini dalo saglasnost na 20 udžbenika za nastavu na bosanskom jeziku za reformisane udžbenike za 3. i 7. razred osnovne škole.

NASTAVNI PLANovi I PROGRAMI – U 2020. godini objavljeni PNU za BJK 3 i 7 razred. BJENK 7 još uvijek nije prihvaćen.

Prijedlog programa za 4. i 8. razred osnovne škole poslati ZUOV na odobravanje 22. novembra 2019. godine tokom 2020. godine na sjednici NPSa odobreni su programi za BJK za 4. razred, dodaci za 4. razred (muzička kultura, likovna kultura, priroda i društvo), kao i dodaci za 8. razred (muzička kultura, likovna kultura, historija).

PNU za BJK 8 i BJENK 8, kao i BJENK 4 su u još uvijek u procesu odobravanja zbog zamjerki ZUOV i NPS. Tim za izradu programa je na zamjerke ZUOVa odgovorilo detaljnom analizom i obrazloženjem u vezi „spornih“ dijelova te se čeka novi odgovor Nacionalnog prosvjetnog savjeta.

ŠKOLSKA EVIDENCIJA – Prevedena je sva evidencija i javnih isprava za predškolski odgoj i obrazovanje u saradnji sa Prosvjetnim pregledom. Također, ponovo je revidirana i školska evidencija za prvi razred osnovne škole, s obzirom da je od ove godine obavezan predmet Digitalni svijet koji je trebalo integralisti u školsku evidenciju za prvi razred.

PROGRAMI STRUČNOG USAVRŠAVANJA NASTAVNIKA – Za razliku od prethodnih godina tokom 2020. godine održano je manji broj programa stručnog usavršavanja za nastavnike u cilju unapređivanja nastave na bosanskom jeziku zbog trajanja vanredne situacije u zemlji izazvane pandemijom virusa covid-19.

- **22. februara 2020. godine** - Predavanje pod nazivom *Jezička kultura u nastavi bosanskog jezika* namijenjeno je prije svega za učitelje/ice koji trenutno vode četvrti razred bez obzira na jezik nastave
Predavači: doc. dr Lejla Ovčina i mr. sc, Nermina Delić, Pedagoški fakultet, Uni u Bihaću
- **24.- 25. oktobra, 31. oktobra, 1. novembra i 7. novembra 2020. godine**- Obuka nastavnika za primjenu opštih standarda postignuća za kraj prvog ciklusa za Bosanski jezik i književnost. koju realizira Zavod za vrednovanje kvaliteta obrazovanje i vaspitanja u saradnji sa Bošnjačkim nacionalnim vijećem. Obuku je pohađalo 150 učitelja u 5 grupa. Obuka nosi 8 bodova.
Predavači: Sanela Međedović, Adela Melajac
- 5-9. decembra 2020. godine - Obuka nastavnika za primjenu opštih standarda postignuća za kraj prvog ciklusa za Bosanski jezik i književnost održane su online za preostalih 150 prijavljenih učesnika. Obuke su prešle na realizaciju u online okruženju, jer su polovinom novembra nastupile nove mjere zbog epidemije virusa.

REALIZIRAN PROJEKAT OBEZBJEĐIVANJA UDŽBENIKA ZA UČENIKE PRVIH RAZREDA OSNOVNIH ŠKOLA – avgust- septembar 2020. Vijeće je u saradnji s agencijom TIKa realiziralo projekat obezbjeđivanja udžbenika za učenike prvog razreda osnovne škole u nastavi na bosanskom jeziku. Republika Turska je donirala

1670 kompleta. Vijeće je udžbenike dodijelilo onim učenicima koji nisu obuhvaćeni projektom besplatnih udžbenika od strane Ministarstva prosvjete, nauke i tehnološkog razvoja. Sve što od MPNTR ne stigne ili ne bude potpuno vijeće će nadomjestiti nedostajuće udžbenike. Konačan podataka o broju podijeljenih udžbenika ali i o broju učenika upisanih u nastavi na bosanskom imat ćemo do kraja septembra.

U posjeti školama od 1. septembra 2020. godine bila je delegacija Bošnjačkog nacionalnog vijeća na čelu sa predsjednicom dr. Jasminom Curić koja je pri podjeli rekla da će donacija udžbeničkih kompleta za prvi razred osnovne škole u velikoj mjeri olakšati život porodica u Sandžaku.

POSJETE ŠKOLAMA - Vijeće je u više navrata tokom 2020. godine, posjećivalo škole, i održavalo sastanke sa direktorima osnovnih, srednjih škola, kao i predškolskih ustanova. Posjete školama realizovane su početkom godine do nastupanja vanrednog stanja sredinom mjeseca marta, kao i početkom septembra kada je Vijeće školama uručilo donaciju – udžbenike.

Organizacija posjete PU "15. juli" iz Sjenice dječijem vrtiću u Brodarevu. Zajednička priredba, recitacije u povodu obilježavanja Dana maternjeg jezika.

ODRŽANI SASTANCI –Vijeće je tokom mjeseca januara i februara 2020. godine održalo više sastanka sa direktorima osnovnih škola u Novom Pazaru, kao i sa direktoricom PU „Mladost“ NP.

Vijeće je tokom mjeseca decembra 2020. godine iniciralo sastanke sa predstavnicima lokalnih samouprava i direktorima srednjih škola u Novom Pazaru, Tutinu i Sjenici a na temu pripremanja plana upisa učenika za narednu školsku godinu.

Održani su i sastanci sa izdavačkom kućom Klett, izdavačkom kućom Data status a na temu unapređenja kvaliteta i dostupnosti udžbenika i lektira za nastavu na bosanskom jeziku.

Vijeće uzelo učešće na konsultativnom sastanku u MPNTR povodom izrade Strategije razvoja obrazovanja 2021-27. godine.

Vijeće uzelo učešće na tribini "Bosanski jezik pitanje identiteta" u organizaciji BNVCG. Održan sastanak u Ministarstvu prosvjete, nauke i tehnološkog razvoja sa državnim sekretarom Kićovićem na temu rješavanja situacije u OŠ „Avdo Međedović“, konkurs za izbor direktora.

Održan sastanak u MPNTR sa državnom sekretarkom Viček na temu razmjene informacija o katalogu udžbenika na jezicima nacionalnih manjina, informacija o obukama za nastavnike koji predaju na jezicima nacionalnih manjina i razmjena ideja za Strategiju razvoja obrazovanja do 2027.

DIPLOME - Bošnjačko nacionalno vijeće je na kraju školske 2019/20. godine dodijelilo diplome za učenike u nastavi na bosanskom jeziku.

Diploma „**Muhamed Hevai Uskufi**“ dodijeljena je učeniku za izuzetan opći uspjeh u učenju i primjernom vladanju:

Diploma „**Avdo Međedović**“ dodijeljena je učeniku za izuzetan uspjeh iz pojedinog nastavnog predmeta koji je izučavan najmanje dvije školske godine.

STUDIJSKA PUTOVANJA – Bošnjačko nacionalno vijeće finansijski i organizaciono podržava studijska putovanja koja za cilj imaju afirmaciju jezika, kulture i tradicije Bošnjaka, međutim tokom 2020. godine prilike u zemlji i regionu nisu bile povoljne za ovakvu vrstu aktivnosti.

TAKMIČENJE IZ BOSANSKOG JEZIKA –U organizaciji Vijeća održavaju se općinska i Republičko takmičenje iz bosanskog jezika za učenike osnovnih škola, međutim zbog pandemije izazvane virusom COVID-19 sva takmičenja ove vrste na novu R. Srbije bila su otkazana.

DRŽAVNA MATURA- Projekat Unapređenje kvaliteta obrazovanja kroz uvođenje ispita na kraju srednjeg obrazovanja – Državna matura Ministarstva prosvjete, nauke i tehnološkog razvoja, koji finansira Evropska unija, ima za cilj da pomogne obrazovnom sistemu Republike Srbije da pripremi i sprovede završne ispite u srednjem obrazovanju. S obzirom na veliki značaj projekta državne mature Bošnjačkom nacionalno vijeće je iniciralo i obezbijedilo učešće srednjih škola u kojima se nastava odvija i na bosanskom jeziku u pilot program ovog projekta. Također, Vijeće je imenovalo i članove radne grupe koja radi na pripremi zadataka za maturalne ispite na bosanskom jeziku. Učešće u ovom projektu garantuje savremeno, efikasno i ravnopravno obrazovanje Bošnjaka sa obrazovanjem većinskoga naroda u Republici Srbiji.

ODBOR ZA OBRAZOVANJE NA BOSANSKOM JEZIKU – Odbor za obrazovanje u toku 2020. godine održao je 4 redovne sjednice i redovnu komunikaciju putem društvenih mreža u skladu sa epidemiološkom situacijom u zemlji.

XII

Rad Bošnjačkog nacionalnog vijeća - služba finansija

Bošnjačko nacionalno vijeće u Republici Srbiji u 2020. godini finansiralo se iz: Budžeta Republike Srbije, Ministarstva kulture i informisanja, te i jednim dijelom iz budžeta lokalnih samouprava grada Novog Pazara i opština Prijepolje i Tutina.

Služba finansija Bošnjačkog nacionalnog vijeća je u 2020. godini je sačinjavalo izvještaje o utrošenim sredstvima koje su namenski bile za projekte i dostavljalo Ministarstva kulture i informisanja.

Služba finansija Bošnjačkog nacionalnog vijeća je u 2020. vršila Finansijski plan – budžeta na osnovu Pravilnika o finansisko-materijalnom poslovanju Bošnjačkog nacionalnog vijeća.

Služba finansija Bošnjačkog nacionalnog vijeća je u 2020. godini redovno obavještavala potpresjedništvo vijeća putem izvještaja o utrošenim sredstvima Bošnjačkog nacionalnog vijeća na mjesečnom nivou.

Služba finansija Bošnjačkog nacionalnog vijeća je u 2020. godini je pripremila rebalans za 2020. godinu.

XIII

Rad Bošnjačkog nacionalnog vijeća – pravna služba

Tokom 2020. godine, Pravna služba je sastavljala rješenja, ugovore i druga pojedinačna akta iz radno-pravnih odnosa, pripremala prijedloge odluka Izvršnog odbora kao i druge pravne akte Vijeća.

Pravna služba u toku 2020. godine je pripremala i izrađivala interne opšte akte neophodne za redovan rad Vijeća.

Pravna služba u konstatno prati promjenu propisa u skladu sa ovlašćenjima koja pripadaju Bošnjačkom nacionalnom vijeću iz oblasti obrazovanja, kulture, informisanja i službene upotrebe jezika i pisma.

U cilju unaprjeđenja rada Vijeća na polju sufinansiranja aktivnosti fizičkih i pravnih lica koja su od opšteg interesa Bošnjaka pravna služba je pripremila Pravilnik o načinu, kriterijumima i postupku dodjele sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica.

U skladu sa situacijom u vezi pandemije COVID-19 Vijeće je svoje aktivnosti prilagođavalo donijetim uredbama i aktima Republike Srbije te je u skladu sa tim donijela i Plan primjene preventivnih mjera za sprečavanje širenja zarazne bolesti Covid-19 kao i sljedeća akta od značaja za pravno valjano funkcionisanje Vijeća:

- Pravilnik o bezbjednosti i zdravlju na radu,
- Program osposobljavanja zaposlenih za bezbjedan i zdrav rad,
- Akt o procjeni rizika,

Pravna služba je tokom 2020. godine pokrenula upravni spor kod Upravnog suda u Beogradu i Upravnog suda u Kragujevcu protiv rješenja Ministarstva prosvete, nauke i tehnološkog razvoja Republike Srbije o ponovnom raspisivanju konkursa za direktora OŠ „Avdo Međedović“ i rješenja o imenovanju članova upravnog odbora OŠ „Avdo Međedović“.

Pored toga, protiv rješenja Ministarstva prosvete, nauke i tehnološkog razvoja Republike Srbije podnijete su Pritužbe Zaštitniku građana i Povreniku za zaštitu ravnopravnosti.

Pravna služba je, također, podnijela tužbu protiv Opštine Sjenica radi naplate dugovanja Privrednom sudu u Kraljevu.

XIV

OSTALE REDOVNE AKTIVNOSTI GLAVNOG UREDA I PODACI O RADU GLAVNOG UREDA I SLUŽBI VIJEĆA

Bošnjačko nacionalno vijeće tokom 2020. godine redovno izrađivalo izvještaje, presjek stanja, informisanje u vezi sa radom Vijeća, te izradilo više izvještaja, zapisnika, transkripata, obavještenja, pregleda i sl.

Bošnjačko nacionalno vijeće radi na transparentnosti Vijeća i u skladu sa tim pokrenulo i mjesečne susrete sa predstavnicima medija i nevladinog sektora, redovno se ažurira sajt Vijeća i šalju se saopćenja za javnost.

Bošnjačko nacionalno vijeće je u 2020. godini preko 900 unikatnih dokumenata (dopisa, informacija, izvještaja i dr. poslatih i primljenih dokumenata), uputilo preko 2000 pojedinačnih emailova na preko 20.000 email adresa, primilo preko 5000 pojedinačnih emailova (saopćenja, dopisa, poziva, obavještenja, izvještaja i dr.) koji su obrađeni, proslijeđeni, na koje je odgovoreno i sl.

Bošnjačko nacionalno vijeće tokom 2020. godine poštom redovno slalo sve dopise, saopćenja, obavještenja, izvještaje i sl. u skladu sa potrebama Vijeća preko 1000 pošiljki redovnom poštom. Bošnjačko nacionalno vijeće je poslalo na kućne adrese 1.616 čestitki svim prvacima za školsku 2020-2021.

Napomena:

Radno angažovana lica u Vijeću, su pored navedenih dokumenata, dopisa, odluka, mišljenja i sl. svakodnevno angažovani na dnevnim aktivnostima i poslovima Vijeća. U svakodnevne aktivnosti spadaju sljedeći poslovi:

- redovno informisanje nadležnih, sekretara, predsjednika Izvršnog odbora, predsjednika odbora o svim obavezama, planiranim aktivnostima, pozivima, dopisima, zahtjevima i sl. kao i pribavljanje odgovarajućeg odgovora, zaključaka, stava i sl. radi realizacije istih radi cjelishodnijeg rada Vijeća;
- pozivanje, obavještanje i dostavljanje materijala, prosljeđivanje zaključaka i mišljenja organima, predsjednicima odbora i tijela Vijeća, autorima planova i autorima udžbenika, saradnicima, profesorima i nastavnicima i dr;
- organizacija sastanaka, događaja, manifestacija, skupova i prijema u Vijeću (pozivanje na sastanak, zakazivanje, potvrđivanje, slanje materijala, organizacija sastanka, protokol, uređenje prostora, ozvučenje, pozivanje medija i gostiju, posluženje, realizacija kateringa i prijema, uređenje sale i dr.)
- praćenje svih sastanaka i aktivnosti u Vijeću, izrada izvještaja, slikanje, snimanje, izrada saopćenja i dr.
- preuzimanje obaveza u vezi sa pozivima za sastanke, skupove, manifestacije, seminare i okrugle stolove (potvrđivanje, informisanje, postavljanje na google kalendar, spremanje materijala, organizacija prijevoza, putovanja i dr.)
- izrada izvještaja, zapisnika, i preslušavanje materijala i izrada transkripata i zapisnika, sjednica, sastanaka, skupova i dr.;

- prekucavanje i umnožavanje materijala za potrebe organa Vijeća;
- izrada kompjuterskih priprema za štampu za potrebe Vijeća (pozivnice, čestitke, bilbordi, rolbaneri, table za događaje i manifestacije i dr.)
- redovno provjeravanje pristigle pošte (email i poštom, i na pisarnici Vijeća), njihovo zavođenje, umnožavanje kao i obavještanje, sekretara Vijeća, predsjednika Izvršnog odbora i predsjednika odbora odnosno i lica kojima je namijenjeno, u skladu sa potrebama;
- obezbjeđivanje materijalnih sredstava za rad Vijeća, održavanje opreme i kompjutera u Vijeću;
- realizacija plaćanja pristiglih računa i obaveza Vijeća;
- organizacija, zakazivanje, realizacija i pružanje podrške u organizacionom i tehničkom smislu sastancima, skupovima i seminarima;
- u povremene redovne poslove Vijeća spadaju i izrada finansijskih izvještaja za Kancelariju za ljudska i manjinska prava, izrada projekata za Konkurse i sl.
- u tekuće i stalni poslove u Vijeću spadaju i zavođenje svih dokumenata, u elektronskoj i papirnoj formi, kao i uređivanje i sređivanje arhive Vijeća i dokumenata Vijeća, slanje dokumenata Vijeća odgovarajućim institucijama i pojedincima kao i prosljeđivanje primljenih dokumenata odgovarajućim licima u Vijeću i telefonska komunikacija u vezi sa sastancima, obavezama i sl.

U Novom Pazaru
15.12.2020.godine

Bošnjačko nacionalno vijeće u Republici Srbiji
za administraciju
Samer Jusović, šef Kabineta predsjednika Vijeća